

մարդոց ընթերցուածոց պատուիրանացն Աստուծոյ՝ գովեցին, եւ խնդացին նովաւ յամենայն ժամ եկեղեցիք եւ վկայարանք սրբոց եւ տեղիք վարդապետարանք. ծաղկեալք¹ լինէին հոգիք լսողացն ի շնորհացն որ ելանէին ի բերանոյ Նորա. եւ ի մէջ հայրապետացն եւ եպիսկոպոսացն իբրեւ զարուսեակ² պայծառացեալ երեւեր բանական գիտութեամբն:

7 Կամեցեալ մեծի իմաստութեանն³ Վահանայ մարգպանին, զաւրավարին Յայոց տեառն Մամիկոնեից, զնա իւր առաւել մերձաւոր եւ սիրելի առնել՝ շնորհեր նմա զհոյակապ եւ զականաւոր⁴ տեղին ի Նոր քաղաքի, որում անուն եր սուրբ Կաթողիկէ եկեղեցի, վանաւքն. եւ Նորա ընկալեալ զբանն մարգպանին՝ իսնամածեր զտեղին:

8 Պատահեաց նմա կրել տրտմութիւն ի վայրապար մարդկանց, զի ի հրոյ վնասեալ փայտակերտն եկեղեցւոյն: 9 Վասն որոյ ածեալ⁵ զմտաւ եւ յիշելով զբանն Պաւղոսի, զի յամենայն ժամ աստուածասերքն առանց խղճի մտաց կեցցեն, որպէս աղաւթս առնէր ասելով. *Խնդրեմք յԱստուծոյ, զի մի՛ չար ինչ պատահեսցէ ձեզ^ա*. յայսմանէ կամ եղեւ նմա զնալ ի կողմանս Յունաց. հասանէր յԱմիթ քաղաք, եւ անդ առ ժամանակ մի զտեղի առնոյր: 10 Տեսանելով զայս⁶ չարանախանձ մարդկան՝ յաւելլուին բանս սուտս զտեղւոյն եւ զուսմանէն եւս զնորա, զի զբարձր անունն խոնարհեցուցանել կարացեն:

11 Լուեալ զայս ամենայն Ղազարու՝ իբրեւ զքաջ պատերազմող զինեալ զինքն, զի բանիւ զաւրութեան զիւր ոգւոյն եւ զքաջալերութեան եւ զպատկեր կերպարանաց ի ձեռն գրոյ Թղթոյս այսորիկ ծանուցէ նոցա, զվաստակ բանի իւրոյ որ առ Նոսա յառաջագոյն լուսափայլեալ, զի կարճեսցին բերանք չարախաւսացն զնմանէ. զի այսպէս, ասէ⁷, ի ձեռն անիմաստ եւ վայրապար մարդոց եհաս հալածումն լաւաց եւ պիտանի մարդկան աշխարհիս Յայոց: 12 Եւ մանաւանդ զի վստահ եղեալ յամենիմաստ մարգպանն, եթէ գիտէ ճարտարութեան բանի լինել չլսող եւ գիտել զիրաւունս, զի անմեղադրելի զինքն արացէ ի ձեռն գրոյս:

1 2. ծաղկեալ

2 2. զարիւսեակ

3 2. յիմաստութեն (պատուով). Ատ. յիմաստութեանն

4 2. զյականաւոր

5 2. ածել

ա Բ Կոր. ԺԳ 7

6 ՏՏ. զայն

7 Ատ. փակագծում ունի ասէ